

## Transkription von Stadtbucheintrag HAL 1369b

Ort, Datierung: Halle, 1369-??-??

Signatur: Universitäts- und Landesbibliothek Halle, Yd 2° 31 (2), S. 30 [online]

Inhalt: Schöffenschaft zu Halle: Nachlassvereinbarungen

Henr(ik)<sup>1</sup> tobi(as) schultete vnd hans trost sin gekomen / in geheget ding vnd hebben begaet vritzen Rudema/ne dat eigen dat dar lyt bi hanses seuers houe in / der galchstrate dat cuntzen vnd oltzen doringes / was myt allem rechten alz yd sy an irstoruen was /

Vritze Rudeman is gekomen in geheget ding vnd het gegeuen Hanse Herwighe dat selue eygen dat die / vorg(ena)nte scultete vnd Hans trost ome gegeuen hadde / mit allem rechten alz yd ôme gegeuen was /

her milen perner tho trothe . vnd(e) hans metze(r) / Clawes trothe altlûde . vnd(e) dy parlude ge=/meyne . sint kome(n) gemeÿne <sup>2</sup> vor hege / dynk . vn(de) hebbe(n) vor tyght gedan vn(de) / begaet . pet(er) tolner andersen fyrdu(n)k / geldes andeme houe inder stÿnstrate lid / dÿ des schultete(n) waz mid alle(m) rechte / also hi des schultezen waz<sup>3</sup> sÿ des got(es)/husis waren . /

Hinricus von aleuelde ys gekome(n) vor geheget ding / vn(de) het ge geue(n) myt erue geloue wyllen dat egen / hinder sente iacobe an dat itswanne der trawerde / was der staet to halle myt alleme rechte als yt / ome an irstoruen was vo(n) syne(m) brudere /

Gertrud Bussen vo(n) gheueke(n)stens elike husfrowe is gekome(n) / vor geheget ding vn(de) het gegeue(n) mit erueloue willen / Jacobe vn(de) hanse Bussen Erikes sône(n) twu mark geldes / vn(de) ein stoueken wins an mekel buszerne(n) erue dat dat dar / lyt in der smerstrate mit alleme rechte alse yt or waz vn(de) sie / an irstorue(n) was vo(n) oreme rechte(n) vatere hincze(n) vo(n) vrib(er)ge / vn(de) dat selue ege(n) mit alleme rechte /

---

<sup>1</sup> einzelne Absätze von jeweils unterschiedlicher Hand geschrieben

<sup>2</sup> **gemeÿne** durchgestrichen

<sup>3</sup> **also hi des schultezen waz** durchgestrichen